

## 開放文學 – 歷代筆記 – 夷堅甲志 卷第十四

開源宮主 劉允、字厚中、潮州海陽人、登紹興四年進士第、宣和甲辰、除知循州、命下遽乞致仕、會朝廷以復燕雲肆赦、雖已告老、並許復從宦、劉獨不起、而出入閭里、飲食起居、了無衰相、親舊交口勸勉、確然不回、明年春、丁母憂、感疾、正晝忽起、呼其子昉曰、有詔授我奎文殿學士、昉聽未審、復質之、劉挽其手、書奎文二字、曰、須為作札子辭、不獲命、則具謝表、又數日、復言天官已除他人、吾免矣、家人喜相賀、遂浸安、然絕不茹葷、至四月一日、又曰、吾比得開源宮主、蓋仙官之最清要者、吾甚樂之、家人曰、豈其夢邪、曰、非也、適有人報甚明、非久去矣、即索紙筆疏數事、大抵以喪葬過度為戒、又三日、整衣起坐、呼二子昉、景、告以從治命、中夜而卒、前數夕、鄉人李正甫、夢謁劉、見吏卒盈門、雲來迎新君、其鄰許氏婦、亦夢所居巷陌間、幡幢寶蓋、飛揚雜沓、頃之、劉冉冉從導者而去、既卒數日、肌體柔滑如生、四支皆可伸屈、時方蒸暑、而色不少變、劉少時、當元祐丙寅中秋之夕、夢游一洞府、見塑像道裝、青娥在旁指曰、此公前身也、既寤作八詩以紀之、至是頗應雲、其詩曰、銀築層台玉砌成、五雲深映百花明、獸環響徹重門啟、無限青娥喜笑迎、一青鬢前引度回廊、簾捲雲間舊院堂、鬆桂滿庭龜鶴在、儼然豐觀道家裝、二徐入東堂百步餘、虛堂猶記舊來居、牕紗掩映瓊簽軸、盡是當時讀遍書、三瞳矚瑞日照觚稜、溶曳祥煙遠棟甍、鬆檜雅知人趣尚、風來偏作步虛聲、四側金壇畔虬鬆老、瑩玉池邊綬鵲長、吟折紫芝香滿手、數聲鳴鳳在修篁、五獸炉煙和百花香、玉葉瓊枝倚兩旁、一曲雲和鸞鶴舞、勸人爭捧九霞觴、六雲母屏間看舊題、醉吟阿母碧桃枝、群仙指點未題處、更乞凌虛白鶴詞、七步出朱宮日漸移、青鬢羅拜問歸期、塵緣若斷人間世、看取蟠桃正熟時、八潮人陳安國嘗敘其事、昉後更名且、仕至太常少卿、紹興庚午、終於直龍圖閣知潭州、景嘗知台州、

### 漳民娶山鬼

建州人范周翰、為漳州司理參軍、郡近村民有以負薪為業而無妻者、久之得一婦人、遂與歸、以二籠自隨、其家皆喜、唯民妹獨見婦一足、不敢言、至夜同寢、日高不啟門、父母壞壁以入、但白骨在床、發其篋、皆瓦石及紙錢耳、蓋山魃類也、

### 王刊試卷

梁山軍人王刊、字夢錫、初名某、嘗夢至大官府、見巨牌揭於壁間、有王刊二字、遂更今名、已而預貢、崇寧五年赴省白晝遇黃衣卒於通衢、持試卷三通與之、刊愧謝、但有三百錢以勞之、曰、我若及第、當厚報汝、其人唯唯而去、遂以所得卷子入試、其年登科、竟不知為何人也、刊官至朝奉待、

### 楊暉入陰府

紹興二十二年、虔卒齊述叛、未撲滅間、吉州吉水縣民楊暉、夢迫入陰府、見數百人身披三木係庭下、主者責暉曰、汝何敢與齊述為亂、暉曰、暉乃吉水村民、與述了無干涉、主者曰、然則誤矣、即遣還、

### 吳仲弓

鄭州人吳仲弓、建炎末、知桂陽監、時湖湘多盜、仲弓一切繩以重法、入獄者多死、及得疾、繞項皆生癰疽、久之瘡潰、喉管皆見、如受斬刑者、一日命家人作烝鴨飲食、未及而死、死之二日、司理院推吏忽自語曰、官迫我證吳知郡公事、即死、時衡州人劉式為司理、親見之、

### 芭蕉上鬼

紹興初、連南夫帥廣東、曹紳以宣義郎攝機宜、連公前後所殺海寇不可計、或同日誅一二百人、曹皆手處其事、不暇細問也、以是論功、遷官至朝奉大夫、後為廣倅、公宇在淨慧寺、到官未幾而病、每吏卒衙時、其家婢使咸聞寺後芭蕉林間有人聲、或見人坐葉上、見群婢亦不驚、婢問何人、曰、來從通判索命、我輩二十六人、分四道尋覓、今我六人先至此、曹聞之懼、力禱之、許以水陸醮設、皆不應、曰、但相從去乃可、曹竟死、未死前、一妾生子、遍體皆長毛、瘞之山下、經三日發視、猶不死、甚怪其事、蓋冤鬼所托雲、五事皆張可久說、

### 董氏禱羅漢

鄉人董耀彥明、三十餘歲未有子、與其妻自番陽偕詣廬山圓通寺、以茶拱羅漢、且許施羅帽五百頂以求嗣、董躬攜瓶瀹茶、至第一百二十四尊者、茶方點罷、盞已空、董禱曰、豈尊者有意應緣乎、當以真珠莊嚴一帽以獻、既歸經旬月、妻手自裁帽、命族人董道士持以往、道士回、董有侍妾先見之、迎問曰、道士歸邪、是月妾有身、未誕之前、家人數夢一僧頂帽、往來室中、凡十有二月而生一子、才逾月、間聞人誦經聲、雖正啼哭必止、董為日誦金剛經一卷、已而每聞經必欲前、如傾聽之狀、既過百啐、董偶問之曰、汝酷愛此、豈前世曾誦乎、兒急張目、作老人聲曰、我曾念來、董驚愕、再問之、遂不答、自是不甚食乳、既而有疾、將死、兩目數開闔、如不忍去者、董拊之曰、汝既方外人、去留皆任意自在、要行即行、何須爾、即閉目、捫其體已冷矣、其生正一百二十四日雲、董說、

### 王夫人

獻穆大主之孫李振妻王夫人、嫁十餘年無子、嘗晚步家園、彷彿見一黃鳥、飛舞樹間、戲逐之、即沒於地、疑其異、亟呼童斷土視之、得黃金一塊如斗大、王祝曰、此天賜妾也、雖然、闔味之物、妾不敢當、但願得一子耳、遂歸、明日試再發之、已空矣、是月有孕、生子曰景直、崇寧末、仕至工部侍郎、景直從弟景通說、

### 舒民殺四虎

紹興二十五年、吳傅朋說除守安豐軍、自番陽遣一卒往呼吏士、行至舒州境、見村民穰穰、十百相聚、因弛擔觀之、其人曰、吾村有婦人、為虎銜去、其夫不勝憤、獨攜刀往探虎穴、移時不反、今謀往救也、久之民負死妻歸、雲初尋跡至穴、虎牝牡皆不在、有二子戲岩竇下、即殺之、而隱其中以俟、少頃望牝者銜一人至、倒身入穴、不知人藏其中也、吾急持尾、斷其一足、虎棄所銜人、踉蹌而竄、徐出視之、果吾妻也、死矣、虎曳足行數十步、墮澗中、吾復入竇伺牡者、俄咆哮而至、亦以尾先入、又如前法殺之、妻冤已報、無憾矣、乃邀鄰里往視、輿四虎以歸、分烹之、

### 妙靖煉師

妙靖煉師陳氏、名瓊玉、婺州金華人、年十有七、一日邀兄游四明海中、兄乘舟、而妙靖行水上、閱數日、衣裳不濡、既還、語人曰、我水中遇婺女星君、相導往蓬萊、始知元是第十三洞主、遂省悟、從此絕食、便能詩詞、及知人間禍福、公卿士庶、日往叩之、戶外屢滿、政和七年、郡守劉安、上部使者盧天驥、王汝明等、聞於朝、召至京師賜對、妙靖煉師對訖、即乞還山、師所居、前面葛仙峰、後枕仙姑壇、獨處一室、邑宰柯庭堅、贈詩曰、絕粒棲神知幾年、閉關終日更翛然、高風默與麻姑契、妙法親從嬰女傳、功行素超三界外、姓名清徹九重天、憑誰與問西王母、師是金華第幾仙、贈詩者多、師獨喜此篇、師作詩前後無慮數千首、弟昭嘗曰、詩詞所言、其應如響、何從而知、師曰、聲其裡係、即仙官持簿來、五百年過去未來皆知、恐泄天機、姑以風花雪月為詠、而吉凶寓其中、非苟知之、又且掌之、昨權無常縣尉、管人間生死、後權陰典、管人間六犯事、謂過官錢王逆不孝奸盜濫殺殺也、世人冒犯、故多夭厲、不犯者三世中出神仙、近又管月台仙籍、凡士大夫聰明者、皆上籍、若有功行、可作月台仙、大抵勉人以忠孝誠信、至八九十歲、容貌不衰、

### 張十三公缺

內文缺

### 蕪湖儲尉

建炎間·太平州寇陸德叛·燒劫居民·殺害官吏·蕪湖尉儲生·竄避不及·為賊黨縛去·德自臨斬之·已脫衣搦坐·德見其頂有毫光三道出現·乃釋之·且令主邑事·付以倉庫·後盜平用此策助改京官·宣城僧祖勝雲·儲尉每日誦圓覺經一部·觀世音菩薩千聲·率以為常·以故獲果報·得免橫逆·

### 鶴坑虎

羅源鶴坑村有一嶺·不甚高·上有平巔·居民稱為簫上·田家一婦嘗歸寧·父母過其處·見一虎蹲踞草中·懼不得免·立而呼之曰·班哥·我今省侍耶娘·與爾無冤仇·且速去·虎弭耳竦聽·遽曳尾趨險而行·婦得脫·世謂虎為靈物·不妄傷人·然此婦見鷲獸不怖悸·乃能諭之以理·亦難能也·

### 蔡主簿治寸白

蔡定夫戡之子康·積苦寸白蟲為孽·醫者使之碾檳榔細末·取石榴根東引者·煎湯調服之·先炙肥豬肉一大臠·置口內·咽咀其津膏·而勿食·雲此蟲惟月三日以前·其頭向上·可用藥攻打·餘日則頭向下·縱有藥皆無益·蟲聞肉香·起啞啞之意·故空群爭赴之·覺胸間如萬箭攻鑽·是其候也·然後飲前藥·蔡悉如其戒·不兩刻·腹中鳴雷·急奏廁·蟲下如傾·命僕以竿挑撥·皆聯成串·幾長數丈·尚蠕蠕能動·舉而拋於溪流·宿患頓愈·此方亦載楊氏集驗中·蔡游臨安·為錢仲本說·欲廣其傳以濟後人云·

### 許客還債

許元惠卿·樂平士人也·其父夢有烏衣客來·語曰·吾昨貸君錢三百·今以奉還·未及問為何人及何時所負而覺·明日思之·殊不能曉·平常蓄十餘鴨·是日歸·於數外見一黑色者·小童以為他人家物·約出之·鴨盤旋憩於傍·墮一卵乃去·自是歷一月·每日皆然·凡誕三十卵·遂不至·竟不知為誰氏者·計其直恰三百錢·

### 黃主簿畫眉

黃祝紹先·為鄱陽主簿·慶元二年四月·有偷兒入室·收拾衣衾·分置兩囊·臨欲去·黃氏育畫眉頗馴·解人語·是夜一家熟睡·禽忽躑躅籠中·嗚呼不輟·聞者以為遭貓搏噬·遽起視之盜驚懼·急走·遺一囊·黃亦覺·遣僕追躡·已失之·一禽之微·懷哺養之恩·而知所報如此·人蓋有愧焉·

### 潮部鬼

明州兵士沈富·父溺錢塘江死·時富方五六歲·其母保養之·數被疾祟·訪諸巫·皆雲父為厲·母瀝酒禱之·曰·爾死唯一子·吾恃以為命·何數數禍之·有所須·當夢告我·是夕見夢曰·我死為江神所錄·為潮部鬼·每日職推潮·勞苦痛至·須草履並杉板甚急·宜多焚以濟用·年滿方求代脫去矣·母如其言·焚二物與之富自是不復病矣·

### 建德妖鬼